

Ranjish Hii Sahi Lyrics - Finest Ghazals :

Singer - [Mehdi Hassan](#)

Lyricist -

Music -

Music Label -

Ranjish hii sahi dil hii dukhaane ke liye aa
Aa phir se mujhe chhod ke jaane ke liye aa
Pahale se maraasim na sahi phir bhii kabhi to
Rasm-o-rahe duniyaa hii niibhaane ke liye aa
Kis kis ko bataayenge judaaii kaa sabab ham
Tuu mujh se khafaa hai to zamaane ke liye aa
Kuchh to mere pindaar-e-muhabbat ka bharam rakh
Tuu bhii to kabhi mujh ko manaane ke liye aa
Ek umr se huun lazzat-e-giriyaa se bhii maharuum
Ai raahat-e-jaan mujh ko rulaane ke liye aa
Ab tak dil-e-khushfaham ko tujh se hain ummiiden
Ye aakhirii shammein bhii bujhaane ke liye aa
Maanaa ki muhabbat kaa chhipaanaa hai muhabbat
Chupake se kisii roz jataane ke liye aa
Jaise tujhe aate hain na aane ke baahaane
Aise hii kisii roz na jaane ke liye aa
Posted by : umair